



УДК: 631.6: 631.8: 628.179 (999.1)

ҚИШЛОҚ ХЎЖАЛИГИ МАҲСУЛОТЛАРИНИ ЭКПОРТ ҚИЛИШ ТИЗИМИНИ ТАКОМИЛЛАШТИРИШ ИЛМИЙ АСОСЛАРИ

Erkinov Shohjaxon Dilmurod o'g'li
Raqamli iqtisodiyot.

Ibragimova Madina Farxod qizi
Agrologistika va biznes fakulteti, Buxgalteriya hisobi,
tahlil va audit yonalish. 2-kurs.

Umirzoqov O'rolbek Yorqul o'g'li
Toshkent Davlat Agrar Universteti Agrolagistika va Biznes fakulteti
Marketing yonalishi 4 kurs talabasi.

Djorayev Ilhom Raimjon o'g'li
Toshkent davlat agrar universteti Agrolagistika va biznes fakulteti
axborot tizimlari va texnologiyalari yonalishi 3-kurs talabasi.

Аннотация: Республикамиз иқтисодиётини ривожланишида қишлоқ хўжалиги маҳсулотларини экспорт қилиш жуда муҳим ўрин тутди. Қишлоқ хўжалиги маҳсулотларини экспорт қилиш тизимини такомиллаштириш эса ўз навбатида унинг илмий асосларга таяниб иш юритади. Бугунги кунга келиб бу борада соҳани ривожлантиришда жуда кўплаб чора тадбирлар олиб борилмоқда.

Калит сўзлар: назарий билим, илмий асос, қишлоқ хўжалиги маҳсулотлари, экспорт иқтисодий самарадорлик, экспорт салоҳияти, қишлоқ хўжалиги иқтисодиёти.

Аннотация: Экспорт сельскохозяйственной продукции играет очень важную роль в развитии экономики нашей республики. Совершенствование системы экспорта сельскохозяйственной продукции, в свою очередь, базируется на ее научных основах. На сегодняшний день в связи с этим в развитии отрасли принимается много мер.



Ключевые слова: теоретические знания, научная основа, сельскохозяйственная продукция, экономическая эффективность экспорта, экспортный потенциал, аграрная экономика.

Abstract: Export of agricultural products plays a very important role in the development of the economy of our republic. Improving the system of export of agricultural products, in turn, is based on its scientific foundations. To date, many measures are being taken in this regard in the development of the sector.

Key words: theoretical knowledge, scientific basis, agricultural products, export economic efficiency, export potential.

Ўзбекистон иқтисодий сиёсатининг энг асосий йўналишларидан бири экспорт, шу жумладан қишлоқ хўжалиги маҳсулотлари экспорт салоҳиятини ошириш ҳисобланади. Ташқи иқтисодий фаолиятни янада либераллаштириш, экспортга маҳсулот етказиб беришни кўпайтиришни рағбатлантириш, маҳаллий экспорт қилувчи ташкилотларнинг рақобатдошлигини ва молиявий барқарорлигини ошириш, ортиқча ва эскирган рухсат бериш тартиботларини бекор қилиш орқали ишбилармонлик муҳитини такомиллаштириш, мамлакатимиз экспорт салоҳиятини кенгайтириш, экспорт қилувчи ташкилотларни давлат томонидан қўллаб-қувватлаш, рақобатбардош экспорт маҳсулотлари ишлаб чиқаришнинг кўпайтиришни рағбатлантириш мақсадида Ўзбекистон Республикаси Президентининг 2018 йил 29 ноябрда “Маҳаллий ишлаб чиқарувчиларнинг экспорт салоҳиятини янада рағбатлантириш чора-тадбирлари тўғрисида”- ги ПФ–5587-сон фармони қабул қилинди. Кейинги йилларда табиий ресурсларнинг камайиши аҳоли сонининг кўпайиши озиқ-овқат маҳсулотларига бўлган талабни кескин орттириб юбормоқда. Бунинг натижасида аҳолининг ялпи талабини қондириш масаласи долзарб аҳамият касб этмоқда.

Бунда, БМТнинг озиқ-овқат ва қишлоқ хўжалиги ташкилоти (ФАО) ЖООА маълумотларига кўра, сўнгги 25 йил давомида қишлоқ хўжалигига ажратилган ер майдонлари бор-йўғи %2 га ошиб 1,5 млрд. гектарни ташкил этган, мева-сабзавотлар ва картофелга ажратилган ерлар майдони %45 ошган. Шунини алоҳида таъкидлаб ўтиш



керакки, ҳозирги даврда, аҳолининг озиқ-овқатга бўлган талабини таъминланлашда мева-сабзавотларнинг ўрни тобора ошиб бормоқда. Мазкур ҳолат Ўзбекистонда ҳам етарли даражада муҳим ўринга эга. Хусусан, экспертларнинг ҳисоб-китобларига кўра, 2025 йилга келиб Ўзбекистон ўртачадан юқори даромадларга эга бўлган мамлакатлар қаторига киради ва озиқ-овқат, айнан, мева-сабзавотга бўлган эҳтиёжи янада ортиб кетиши кўзда тутилмоқда. Хусусан, пахтадан бўшаган экин майдонларида сабзавот ва картошка, озуқа экинлари, ёғ-мой олинадиган ва бошқа ўсимликлар экилади, боғ ва узумзорлар барпо этилиши ҳамда экин майдонларининг оптималлаштирилиши ва замонавий агротехнологияларнинг жорий этилиши натижасида 2020 йилда картошка етиштиришни 35 фоизга, сабзавотни 30 фоизга, мева ва узумни 21,5 фоизга ошириш кўзда тутилмоқда.

Бунда ушбу озиқ-овқат маҳсулотларини экспорт қилиш ҳажми сезиларли даражада ошириш назарда тутилади”. Шунинг учун, жаҳонда ушбу соҳада юз бераётган тенденцияларни, мева-сабзавотларни етиштиришни, қайта ишлаш қувватларини унумли жой лаштириш, экспорт қилишни ривожлантиришга таъсир кўрсатувчи омилларни ўрганиш ушбу соҳада мажуд муаммоларни аниқлаш а уларни ечиш бўйича таклифларни ишлаб чиқиш муҳим аҳамият касб этмоқда. Бугунги кунда, Ўзбекистон олма, узум, нок, шафтоли, гилос каби хўл меваларни экспорт қилиш бўйича етарли потенциалга эга. Таҳлилларга мурожат этадиган бўлсак, Ўзбекистонда етиштирилаётган мева-сабзавотлар маҳсулотларининг бор-йўғи 500–700 минг тоннаси, у ҳам бўлса асосан яқин Россия ва Қозоғистонга экспорт қилинмоқда. Бунининг асосий сабаблари сифатида транспорт ҳаражатлари юқорилиги ва бозорларда мева-сабзавот импортида санитария ва гигиена, қадоқлаш, сертификатлаш масалаларида талабларнинг қатъий эмаслиги билан ҳам изоҳланади. Ўрта ва узоқ истиқболида эса узоқ хориж ва Европа бозорини ҳам ўзлаштириб бориш устувор вазифаларидан бири саналади.

Тадқиқот методологияси: Мамлакат экспорт салоҳиятининг юксалишида қишлоқ хўжалиги муҳим аҳамиятга эга. Аграр сектор экспорт салоҳияти – қулай табиий-иқлим шароити, меҳнат ресурсларининг етарлилиги, нисбатан ривожланган



инфратузилманинг мавжудлиги, асосий ишлаб чиқариш фондлари билан таъминланганлик даражаси билан изоҳланади. Мева-сабзаёт маҳсулотлари Ўзбекистон қишлоқ хўжалигининг асосий экспорт маҳсулотларидан ҳисобланади. Ҳар йили Ўзбекистон замида етиштирилган мева-сабзаёт маҳсулотлари хориж бозорларида сотилади. Хўл ва қайта ишланган мева-сабзаёт маҳсулотлари анъанавий истеъмол бозорларининг қайта тикланиши ва кенгайиши Ўзбекистоннинг экспорт салоҳиятини оширишида асосий омиллардан ҳисобланади. МДХ мамлакатлари ичида хўл ва қайта ишланган мева-сабзаёт маҳсулотларининг асосий ишлаб чиқарувчиси бўлган Ўзбекистонда мазкур соҳада улкан, етарли даражада фойдаланилмаётган салоҳият мавжуд. Ўзбекистон Республикаси минтакаларда қишлоқ хўжалик маҳсулотларини ишлаб чиқариш ва экспорт салоҳиятини ривожлантириш, ташқи савдо борасидаги давлат сиёсати қатор мақсадларни кўзлайди. Экспортнинг барқарор ўсишига кўмаклашиш ва унинг номенклатурасини кенгайтириш, хорижга рақобатбардош товарлар ва хизматлар етказиб бериш самарадорлигини ошириш, шунингдек, миллий иқтисодиётнинг хавфсизлигини таъминлаш асосий мақсадлардан ҳисобланади. Ўзбекистон Республикаси Президентининг 2017 йил 7 февралдаги ПФ–4947-сонли Фармони билан тасдиқданган “2017–2021 йил ларда Ўзбекистон Республикасини ривожлантиришнинг бешта устувор йўналиши бўйича

Ҳаракатлар стратегиясида қишлоқ хўжалигини модернизация қилиш ва жадал ривожлантириш бўйича қуйидаги вазифаларга асосий эътибор қаратилган. Қишлоқ хўжалигини модернизациялаш ва жадал ривожлантиришнинг устувор йўналишлари:

- Таркибий ўзгаришларни чуқурлаштириш орқали қишлоқ хўжалигини изчил ривожлантириш, мамлакатимиз озиқ-овқат хавфсизлигини янада мустаҳкамлаш ва экспорт салоҳиятини юксалтириш;

- Қишлоқ хўжалиги маҳсулотларини чуқур қайта ишлаш асосида озиқ-овқат ва қадоқлаш маҳсулотларини ишлаб чиқарадиган замонавий қайта ишлаш корхоналарини қуриш, мавжудларини реконструкция ва модернизация қилиш;



- Пахта ва бошоқли дон экин майдонларини қисқартириш эвазига картошка, сабзавот, полиз, озуқа ва мойли экинлар, янги интенсив боғлар ва узумзорлар майдонини кенгайтириш ва оптималлаштириш;

- Қишлоқ хўжалиги маҳсулотларини ишлаб чиқариш, қайта ишлаш, тайёрлаш, сотиш, қурилиш ишлари ва хизматлар кўрсатиш билан шуғулланувчи кўп тармоқли фермер хўжаликларини ривожлантириш;

- Қишлоқ хўжалиги маҳсулотларини ишлаб чиқариш, қайта ишлаш, тайёрлаш, сотиш, қурилиш ишлари ва хизматлар кўрсатиш билан шуғулланувчи кўп тармоқли фермер хўжаликларини ривожлантириш;

- Суғориладиган ерларнинг мелиоратив ҳолатини яхшилаш, мелиорация ва ирригация объектларини ривожлантириш, тармоққа интенсив, сув ва ресурсларни тежайдиган замонавий агротехнологияларни жорий этиш, унумдорлиги юқори техникалардан фойдаланиш;

- Қишлоқ хўжалиги маҳсулотларини сақлаш, ташиш, сотиш, агрокимё, молиявий ва бошқа замонавий бозор хизматлари кўрсатиш инфратузилмаларини ривожлантириш;

- Қишлоқ хўжалиги экинларининг касаллик ва зараркунандаларга чидамли, маҳаллий ер-иқлим ва экологик шароитларга мос янги селекция навларини ва юқори маҳсулдорликка эга ҳай вонот зотларини яратиш ҳамда жорий этиш бўй ича илмий - тадқиқот ишларини кенгай тириш.

Қишлоқ хўжалиги иқтисодиётининг жаҳон қишлоқ хўжалиги иқтисодиётига глобаллашуви самарадорлигини ошириш, бу жараёнга кириб бориш иқтисодий интеграцион тузилмалар шакли ва механизмини такомиллаштириш ва ривожлантириш ҳамда уларни давлат томонидан қўллаб-қувватлаш борасида ечилиши лозим бўлган қатор муаммо ва вазифалар мавжуд бўлиб, уларни ҳал этиш, республикамиз аграр соҳаси экспорт салоҳиятини оширишга хизмат қилади. Бу ўз навбатида экспортга йўналтирилган маҳулот ишлаб чиқарувчи фермер хўжаликлари, агрофирма ва хусусий корхоналар фаолиятини мажмуаси ва тизимли ёндашув асосида таҳлил этиш воситасида соҳада мавжуд муаммо ва камчиликларни аниқлаш



хамда аграр соҳа экспорт салоҳиятини ошириш йўллари асослашни долзарб этиб кўймоқда.

Республикамизда аграр соҳа тармоқлари ишлаб чиқариши таркибий тузилишини диверсификациялаш, фермер хўжаликлари моддий-техник базасини такомиллаштириш ва модернизациялаш, ресурс-тежамкор технологияларни жорий этиш асосида мавжуд ресурслардан самарали ва оқилона фойдаланиш механизмининг жорий этилиши – соҳа экспорт салоҳиятини ошириш билан бирга, аграр соҳа экспорт таркиби ва географиясини ўзгартиришга шароит яратди. Қишлоқ хўжалиги тармоқлари экспорт салоҳиятини оширишнинг муҳим омилларидан бири агрокластрларни ривожлантириш ҳисобланади.

Агрокластерлар ўз фаолиятида учта хусусиятга асосланишлари мумкин: – қишлоқ хўжалиги маҳсулотлари ишлаб чиқариш бўйича ҳудудий ихтисослашув ва маҳаллий лаштириш; – тармоқнинг хўжалик юритувчи субъектлари ўртасидаги ўзаро алоқалар; – турли тармоқлар ўртасида қишлоқ хўжалиги маҳсулотларидан тайёр маҳсулот ишлаб чиқарувчи технологик ўзаро алоқаларнинг шаклланганлиги каби хусусиятлар. Қишлоқ хўжалиги маҳсулотлари экспорти ҳажмини оширишнинг муҳим йўналишларидан бири бу етиштирилаётган маҳсулотларнинг ички ва ташқи бозорларда рақобатбардошлигини таъминлаш борасидаги чора-тадбирлар самарадорлигини ошириш ҳисобланади.

Қайта ишланган мева-сабзавот маҳсулотларининг рақобатбардошлик даражасининг пастлиги сабабларига қуйидагиларни киритиш мумкин:

- маҳсулот ишлаб чиқариш харажатларининг юқорилиги;
- сифат даражасининг пастлиги; • қадоқлаш, ўраш ва ёрлик талабларига кам эътибор қаратилаётганлиги;
- маҳсулотларни сақланиш муддатларининг қисқалиги;
- “экспорт харажатлари”нинг ортиб борётганлиги ва бошқалар.

Бугунги кунда қишлоқ хўжалиги маҳсулотлари экспорти таркибида қайта ишланган мева-сабзавот маҳсулотлари экспорту улушини ошириш учун, соҳада қуйидаги вазифаларни ҳал этиш лозим:



- республикамизда фаолият кўрсатаётган мева-сабзавот қайта ишловчи корхоналар рақобат-бардошлигини оширишга йўналтирилган чора-тадбирлар дастурини ишлаб чиқиб, амалга ошириш, шунингдек, ушбу соҳада технологик модернизация ва технологик жараёнларни автоматлаштириш ва компьютерлаштириш;

- мамлакатимизда ишлаб чиқарилаётган қайта ишланган мева-сабзавот маҳсулотларининг экспорт нархларининг бошқа давлатлар айнан шундай маҳсулотлари нархига нисбатан пастлигини таъминлаган ҳолда, рақобатбардошлигини таъминлаш;

- қайта ишлаш корхоналарида фойдаланилаётган дастгоҳ ва жиҳозларни модернизациялаш, талабга жавоб бермай диган технология ва ишлаб чиқариш жараёнларини ресурстежовчи тамой иллар асосида қайта шакллантириш ва бошқалар.

Республикамиз аграр соҳа экспорт салоҳиятини оширишнинг асосий йўналишлари:

- республикамиз ҳудудлари ресурс салоҳияти, табиий иқлим шароити ва нисбий афзалликларидан оқилона фойдаланишни таъминловчи хорижий сармоялар иштирокидаги корхоналар ташкил этишга устуворлик бериш;

- мева-сабзавот ва узум етиштирувчи хўжаликларни кооперативларга бирлаштириш, шу асосда соҳа экспорт салоҳиятини ошириш, мева ва узум маҳсулотларини қайта ишлаш ва қуритиш жараёнини самарали ташкил этган ҳолда, соҳани технологик жиҳатдан қайта жиҳозлаш ва модернизациялашга шароит яратиш;

- мева-сабзавот ва узум маҳсулотларини истеъмолчиларга етказиб беришгача бўлган жараён учун идиш ва махсус мослаштирилган контейнерлар етказиб бериш тизми ва унинг инфратузилмасини такомиллаштириш, молиявий қўллаб-қувватлаш, бунинг учун эса, республикамизнинг мевасабзавот ва узум етиштиришга ихтисослашган ҳудудларда ушбу маҳсулотларни ўраш ва жойлашда фойдаланиладиган идиш ва ўраш материаллари ишлаб чиқаришни ҳамда уларни узоқ ва қисқа муддатларда сақлаш имконини берадиган омборхоналар ташкил этиш;



- фермер хўжаликалари раҳбар ходим ва мутахассисларининг маҳсулот экспорти тўғрисидаги билими ва амалий кўникмасини оширишни тизимли равишда ҳудудлар бўйича ташкил этишни йўлга қўйиш;

- тариф ва нотариф воситалари ёрдамида маҳаллий қишлоқ хўжалик ишлаб чиқарувчиларини ҳимоя қилишни давом эттириш.

Таҳлил. Таҳлиллар натижасида кўришимиз мумкинки, мева-сабзавотларни етиштириш ҳажми бўйича Ўзбекистон етакчи мамлакатлар қаторига аллақачон кириб борганлигига қарамай, уларнинг ҳосилдорлиги бўйича анча муаммолар борлигини кузатиш мумкин. Шу ўринда галдаги асосий вазифа юқорида тақдирланганидек, Ўзбекистонда етиштирилган мева ва сабзавот маҳсулотларининг импорти асосан Россия ва Қозоғистонга тўғри келиши ушбу мамлакатлардаги мева-сабзавотларга асосий талабни билиш ва уша бозорлардаги нархларни ўрганиш муҳим аҳамиятга эга. У ердаги бозорларни атрофлича таҳлил қилиш мева-сабзавот экспортини тартибга солиш ва уни самарали олиб бориш имконини беради.

Хулоса. Юқорида келтирилган таҳлиллар натижасида соҳа доирасида ечимини кутаётган мавжуд муаммо ва камчиликларнинг ҳал этиш мамлакатимизнинг озик-овқат хусусан, мева-сабзавотчилик тармоғида салоҳиятдан кенг фойдаланиш республикамиз аҳолисини турмуш фаровонлигини оширишга катта ҳисса қўшади. Республикамиз қишлоқ хўжалиги маҳсулотларини экспорт қилиш билан шуғулланувчи компанияларининг ташқи бозордаги фаолияти муваффақиятли бўлиши замирида халқаро маркетинг тамойилларига тўлиқ риоя қилиш билан бирга оқилona маркетинг тадқиқотини ташкил этиш муҳим аҳамиятга эга эканлиги кўринади.

Фойдаланилган адабиётлар рўйхати

1. “Ўзбекистон Республикасини янада ривожлантириш бўйича ҳаракатлар стратегияси тўғрисида” ги Ўзбекистон Республикаси Президентининг 2017 йил 7-февралдаги ПФ-4947 сонли фармони. <http://lex.uz/docs/3107036>



2. Сидоров В.А. Кузнецова Е.Л. Болик.А.В. Общая экономическая теория. Учебник. Майкол. 2017 г
3. *Маслова В., Кузнецова Н.* Особенности инвестиционного развития сельского хозяйства // АПК: экономика, управление. 2011. № 11. С. 40–45.
4. *Братцев В.* Госрегулирование сельского хозяйства // АПК: экономика, управление.2012. № 6. С. 45–52.
5. Вахобов А. Ўзбекистоннинг ЖСТга аъзо бўлиши: озиқ-овқат саноати ҳамда кишлоқ хўжалик маҳсулотларини қайта ишлаш соҳасида тўсқинликлар ва имкониятлар. // Ўзбекистон иқтисодиёти. –2006. -№1. 104-116;
6. Абатуров В. Продовольственная опасность. //Экономическое обозрение. Ташкент, 2007. №8. с.50-54. 3. Мухитдинова У.С. Методология и методика оценки эффективности функционирования рынка плодоовощной и виноградной продукции. // Экономика и финансы. Москва. 2008 - №11 (150) ноябрь. с. 68-69.

